



Yr Ysgol Meddygaeth

**Polisi Mynediad ar gyfer Rhaglenni
Israddedig ym Meddygaeth**

Mynediad 2019/20

Cynnwys

	Tudalen
Nodau a llywodraethu	3
Y Cyrsiau:	3
A100 (5 mlynedd)	
A104 Rhagarweiniol (6 blynedd)	
A101 Mynediad i Feddygaeth i Raddedigion (4 blynedd)	
Gofynion mynediad a chategorïau ymgeiswyr	4
Ymgeiswyr aeddfed, Diploma Mynediad a Graddedigion	
Ehangu cyfranogiad	
Ymgeiswyr rhyngwladol	
Ymgeiswyr ailsefyll	
Gohirio mynediad	
Y broses ddethol	6
Cyfweliadau	7
Amodau mynediad eraill	8
Cadarnhad	
Trosglwyddo	
Cyfathrebu, cwynion/apeliadau, ymholiadau pellach	
Atodiad	10
Gofynion TGAU	
Gofynion Safon Uwch ar gyfer A100/A104	
Y Fagloraeth Ryngwladol	
Bagloraeth Ewropeaidd	
Bagloraeth Cymru, Diploma Cyn Prifysgol	
Caergrawnt, Bagloraeth AQA	
Graddedigion/Cyrsiau ffrwd fwydo	
Rhaglenni Diploma Mynediad	
Cymwysterau Iwerddon	
Cymwysterau'r Alban	
Cymwysterau BTEC	
Graddedigion deintyddol	

Nodau a llywodraethu

Nod yr Ysgol Meddygaeth yw derbyn myfyrwyr sydd â'r nodweddion, y gallu a'r priodoleddau a all elwa ar ein rhaglen feddygol, a **“denu, hyfforddi a chadw'r myfyrwyr a'r staff gorau, gan greu graddedigion sy'n deall anghenion unigolion a'r gymuned y maen nhw'n byw ynddi.”**

I wneud hyn mae angen gwneud yn siŵr bod y broses o ddethol myfyrwyr yn wrthrychol, tryloyw, agored, teg a heb wahaniaethu o unrhyw fath. Mae'r broses ddethol wedi'i rhwymo gan bolisi Cydraddoldeb ac Amrywiaeth y Brifysgol <https://www.cardiff.ac.uk/cy/public-information/equality-and-diversity>

Ein nod yw sicrhau y rhoddir cyfle cyfartal i bob unigolyn y mae ei gais yn cael ei ystyried yn unol â *Datganiad ar y gwerthoedd a'r priodoleddau craidd sydd eu hangen i astudio meddygaeth* y Cyngor Ysgolion Meddygol, <https://www.medschools.ac.uk/media/1202/statement-on-core-values-and-attributes.pdf>

Cydnabyddir bod angen cael gwared ar y rhwystrau oddi wrth ymgeiswyr sydd wedi'u tangynrychioli yn y gorffennol. Yn ogystal, caiff ymgeiswyr sydd ag anabledd eu croesawu, a dylent edrych ar ddogfen *Gateways to the Professions* y Cyngor Meddygol Cyffredinol, <https://www.gmc-uk.org/>. Rydym yn annog ceisiadau gan bobl o gefndiroedd amrywiol ac yn defnyddio data cyd-destunol i'n helpu i wneud hyn. Anogir ceisiadau o Gymru oherwydd eu bod yn cael eu tangynrychioli o ran ceisiadau ar gyfer meddygaeth yn y DU.

Mae dewis ar gyfer ysgol feddygaeth yn golygu dewis ar gyfer y proffesiwn meddygol, a dylai ymgeiswyr fod yn ymwybodol o ddyletswyddau myfyriwr meddygol fel yr amlinellir gan y Cyngor Meddygol Cyffredinol yn y dogfennau canllaw *Medical Students: Professional Behaviour and Fitness to Practise and Good Medical Practice* (<https://www.gmc-uk.org/>).

Cyfarwyddwr Derbyn sy'n cadeirio'r Grŵp Derbyn Myfyrwyr, ac mae'n rhoi cyngor am bolisiau ac achosion unigol. Maen nhw'n cael eu cefnogi gan y Tîm Derbyn Myfyrwyr.

Y Cyrsiau:

Cwrs 5 mlynedd A100

I ymgeiswyr sydd â thair Safon Uwch neu gymwysterau cyfwerth gan gynnwys Cemeg a Bioleg. Ceir *opsiwn i astudio am flwyddyn ychwanegol* er mwyn cwblhau gradd ymsang.

Cwrs chwe blynedd A104

Mae'r cwrs hwn wedi'i ddylunio ar gyfer ymgeiswyr sydd wedi dangos potensial academaidd uchel, ond nad oes ganddynt y dyfnder o ran arbenigedd gwyddonol/y pwnc sydd ei angen i gael mynediad i'r Rhaglen A100. Gall hyn fod yn llwybr i Feddygaeth ar gyfer ymgeiswyr nad oes ganddynt bynciau gwyddonol Safon Uwch, neu sy'n cynnig Bioleg neu Gemeg ar eu pen eu hunain yn unig, gydag o leiaf dau bwnc arall. Ceir hefyd *opsiwn i astudio am flwyddyn ychwanegol* er mwyn cwblhau gradd ymsang.

Nid yw A104 gyfer ymgeiswyr sydd wedi cymryd pynciau gwyddoniaeth ar lefel TAG Safon Uwch, ond sydd wedi methu ag ennill y graddau angenrheidiol i gael lle yn rhaglen A100.

Mae strwythur modiwlau A104 yn golygu bod myfyrwyr yn astudio dros un flwyddyn ragarweiniol, ac yn amodol ar asesiad boddhaol, yn mynd yn syth i mewn i'r cwrs A100 y flwyddyn ganlynol.

Cwrs 4 blynedd A101 Mynediad i feddygaeth i raddedigion

Mae hyn ar gael i ymgeiswyr sydd wedi cofrestru ar un o'r pedair rhaglen ffrwd fwydo **yn unig**: (gall graddedigion eraill wneud cais am naill ai'r cwrs A100 5 mlynedd neu'r cwrs A104 6 blynedd)
Gradd BSc (Anrh) Ffarmacoleg Feddygol Ysgol Meddygaeth Prifysgol Caerdydd (B210)
Gradd BSc (Anrh) yn y Gwyddorau Biofeddygol, Ysgol y Biowyddorau, Prifysgol Caerdydd (BC97)
Gradd BSc (Anrh) yn y Gwyddorau Meddygol, o Brifysgol De Cymru (B901)
Gradd BMedSci yn y Gwyddorau Meddygol o Brifysgol Bangor (B100)

Mae lle ar gyfer hyd at ddeg o fyfyrwyr o bob rhaglen ffrwd fwydo i fynd i mewn i ail flwyddyn y rhaglen A100 Meddygol pum mlynedd. Bydd modd i ugain o fyfyrwyr ymgymryd â'r rhan fwyaf o'u gradd feddygol yng ngogledd Cymru. Dyma'r un cwrs C21 a gyflwynir ledled gweddill Cymru, gan ddysgu ochr yn ochr â myfyrwyr meddygol sydd wedi'u lleoli yn y rhanbarth hwn. Bydd myfyrwyr yn graddio gyda gradd o Brifysgol Caerdydd, ond byddant yn elwa ar garfan lai a phrofiad mwy pwrpasol iddynt fel myfyrwyr.

Cewch fanylion o'r holl raglenni yn y Prosbectws i Israddedigion

<http://www.cardiff.ac.uk/cy/study/undergraduate>

Gofynion Mynediad

Academaidd

Mae'n rhaid bod gan bob ymgeisydd Gradd 6 TGAU (neu gymhwyster cyfatebol) mewn Mathemateg, Saesneg Iaith, Gwyddoniaeth Dyfarniad Dwbl (6,6) neu Gemeg a Bioleg. Mae ymgeiswyr (oni bai bod gradd ganddynt) yn derbyn sgôr yn seiliedig ar eu naw canlyniad TGAU gorau (neu lefel gyfwerth). Ni roddir sgôr i ganlyniadau sy'n is na 6 (B). Mae ymgeiswyr ar ôl Safon Uwch yn cael credyd ychwanegol am gyflawni Safon Uwch. Caiff ymgeiswyr o Gymru eu tangynrychioli, a gyda'r gwaith o ddiwygio cymwysterau, cydnabyddir y gallai'r broses roi ymgeiswyr o ysgolion uwchradd yng Nghymru dan anfantais, felly rhoddir ystyriaeth ychwanegol i'r ymgeiswyr hyn.

Mae'n rhaid bod ymgeiswyr wedi cyflawni / neu'n mynd i gyflawni tair Safon Uwch (neu gyfwerth) gan gynnwys Bioleg a Chemeg ar gyfer A100, tri phwnc ond nid Bioleg a Chemeg **gyda'i gilydd** ar gyfer A104 (er na fydd Bioleg a Chemeg a dau bwnc arall yn cael eu hystyried).

Bydd angen i ymgeiswyr sydd wedi graddio fod wedi ennill gradd Anrhydedd yn adran uchaf yr ail ddsbarth o leiaf yn eu gradd gyntaf.

Mae gofyn i bob ymgeisydd **israddedig** (ac ymgeiswyr sydd wedi graddio sy'n gwneud cais i A104), gymryd Prawf Gallu Clinigol y DU (**UKCAT**) **ym mis Gorffennaf i Hydref 2018, o'r flwyddyn y gwneir y cais**. <https://www.ukcat.ac.uk/>. Ni dderbynnir canlyniadau profion a gafwyd mewn blynyddoedd blaenorol. Gellir defnyddio'r sgôr UKCAT fel rhan o'r gweithdrefnau asesu.

Mae gofyn i bob ymgeisydd (oni bai am y rhai hynny sy'n gwneud cais i A104) gymryd Prawf Gallu Clinigol yr Ysgol Meddygaeth (**GAMSAT**) erbyn mis Medi o'r flwyddyn y gwneir y cais.

<https://gamsat.acer.org/university-admission/admission-uk>

Caiff canlyniad GAMSAT y flwyddyn cyn gwneud y cais hefyd ei ystyried.

Mae'n rhaid bod gan yr holl ymgeiswyr rhyngwladol **gymhwyster** iaith Saesneg derbyniol.

<http://www.cardiff.ac.uk/cy/study/international/english-language-requirements/undergraduate>

Anacademaidd

Mae'n rhaid i bob ymgeisydd gwblhau'r ffurflen UCAS yn llawn, a dylent gynnwys gwybodaeth sy'n cefnogi pa mor addas ydynt ar gyfer cwrs meddygol a geir da academaidd yn eu datganiadau personol. Caiff y canlynol eu hasesu: cipolwg ar yrfa ym maes meddygaeth, tystiolaeth o brofiad a

myfyrfod mewn amgylchedd gofalgar, tystiolaeth ac ystyriaeth o gyfrifoldeb personol, tystiolaeth o agwedd gytbwys at fywyd, tystiolaeth o ddysgu hunangyfeiriedig.

Mae'n rhaid i'r holl ymgeiswyr fod yn 18 neu'n hŷn erbyn 20 Medi o flwyddyn dechrau'r cwrs, oherwydd bod myfyrwyr mewn amgylchedd clinigol o flwyddyn gyntaf eu cwrs.

Categoriâu ymgeiswyr

Myfyrwyr aeddfed

Croesewir ceisiadau gan fyfyrwyr aeddfed. Caiff y rhai hynny sy'n astudio Mynediad at Ddiploma Gwyddoniaeth neu Fynediad at Ddiploma Meddygaeth a gydnabyddir gan yr Asiantaeth Sicrhau Ansawdd ar gyfer Addysg Uwch <http://www.accesstohe.ac.uk/Pages/Default.aspx> eu hystyried ar sail unigol ar gyfer dechrau'r Rhaglen Ragarweiniol chwe blynedd (A104). Ystyrir y cymhwyster mynediad hwn ar gyfer yr ymgeiswyr hynny nad oeddent yn gallu, e.e. am resymau personol, parhau â'u haddysg yn yr ysgol neu'r coleg ôl-16. Rhoddir blaenoriaeth i ymgeiswyr sydd wedi bod allan o addysg amser-llawn am o leiaf **pedair** blynedd cyn eu cwrs Mynediad. **Ni chaff** Diplomâu Mynediad eu derbyn ar gyfer ymgeiswyr sydd wedi cwblhau TGAU/Safon Uwch (neu gyfwerth) yn flaenorol, ac sydd wedi methu ag ennill y graddau sydd eu hangen.

Gall **ymgeiswyr sydd wedi graddio** wneud cais i gael eu derbyn ar gyfer naill ai'r rhaglen pum mlynedd (A100) neu'r rhaglen chwe blynedd (104), yn unol â'u profiad academaidd blaenorol yn y gwyddorau. Rhaid i ymgeiswyr o'r fath **fod wedi cwblhau eu gradd neu mae'n rhaid iddynt fod ym mlwyddyn olaf eu rhaglen gradd bresennol** er mwyn i'w cais gael ei ystyried.

Bydd angen bod ganddynt, neu fod disgwyl iddynt ennill gradd Anrhydedd yn adran uchaf yr ail ddsbarth (neu gyfwerth) o leiaf yn y radd **gyntaf** y maen nhw wedi'i gwneud. Rhoddir ystyriaeth hefyd i gymwysterau academaidd a enillwyd cyn dod i'r brifysgol. Bydd angen i ymgeiswyr sydd wedi graddio gyrraedd y gofynion mynediad gofynnol fel y nodir yn Atodiad A. Mae'n rhaid bod gan ymgeiswyr sydd wedi graddio **sgôr GAMSAT cyfredol ar gyfer y cwrs A100**. Mae'n rhaid bod gan y rhai hynny sy'n gwneud cais am A104 sgôr UKCAT cyfredol.

Ehangu cyfranogiad

Mae Prifysgol Caerdydd wedi ymrwymo i ehangu cyfranogiad. Rydym yn croesawu ceisiadau gan fyfyrwyr o bob cefndir, ac rydym yn defnyddio data cyd-destunol wrth ystyried ceisiadau.

Cynllun Camu i Fyny i'r Brifysgol

Caiff ceisiadau gan ddisgyblion ysgol ar y Cynllun Camu i Fyny i'r Brifysgol eu hystyried. Dylai myfyrwyr o'r fath gynghori cydlynwyr y cynllun eu bod yn gwneud cais i astudio meddygaeth yng Nghaerdydd, a sicrhau bod eu henwau'n cael eu trosglwyddo i'r Tîm Derbyn Myfyrwyr. Mae'n rhaid i ymgeiswyr o'r Cynllun Camu i Fyny fodloni ein gofynion mynediad gofynnol (Atodiad A) er mwyn cael cynnig cyfweiliad.

Ymgeiswyr Rhyngwladol

Mae'r Ysgol yn croesawu ceisiadau UCAS gan fyfyrwyr rhyngwladol. Dylai ymgeiswyr sy'n cynnig cymwysterau oni bai am gymwysterau Safon Uwch neu'r Ysgoloriaeth Rhyngwladol gysylltu â'r Tîm Derbyn Myfyrwyr, medadmissions@caerdydd.ac.uk, a rhoi manylion llawn am eu cymwysterau er mwyn cael cyngor am bwy sy'n gymwys cyn gwneud cais.

Mae angen i ymgeiswyr rhyngwladol gynnig cymhwyster iaith Saesneg a gydnabyddir wrth wneud cais, <http://www.cardiff.ac.uk/cy/study/international/english-language-requirements/undergraduate>.

Os yw'r cymhwyster yn yr arfaeth, bydd yn ffurfio rhan o'r cynnig. Mae'n bosibl y caiff canlyniadau'r cymhwyster iaith Saesneg a ail-gymerwyd eu derbyn, ond mae'n rhaid eu cael cyn y gellir cyflwyno

cynnig diamod. Mae pob lle ar gyrsiau A100, A101 ac A104 yn amodol ar lwyddo yn y cyfweiliad. Mae'r polisi hwn yn cynnwys ymgeiswyr rhyngwladol a ddylai fod yn barod i ddod i gyfweiliad ym Mhrifysgol Caerdydd. Nid yw Prifysgol Caerdydd yn ad-dalu unrhyw gostau teithio ar gyfer unrhyw ymgeisydd. Anfonir arolwg at unrhyw ymgeiswyr sydd â statws ffioedd Tramor fel rhan o'r broses ymgeisio er mwyn cadarnhau'r trefniadau ariannu. Mae'n orfodol i unrhyw unigolyn sy'n cael yr arolwg ei gwblhau.

Rhaglen Sylfaen Ryngwladol ar gyfer Iechyd a Gwyddorau Bywyd (IFP):

Cafodd ei chynllunio er mwyn paratoi myfyrwyr rhyngwladol ar gyfer ymgyrdd ag astudiaeth israddedig yn system Addysg Uwch y DU. Mae'n cynnwys modiwlau mewn Cemeg, Bioleg, Saesneg Iaith a sgiliau astudio. Mae'r Rhaglen Sylfaen Ryngwladol ar gyfer Iechyd a Gwyddorau Bywyd (IFP) yn galluogi myfyrwyr sy'n brin o'r pynciau academiaidd gofynnol a'r lefel o Saesneg, wneud cais i astudio meddygaeth. **Nid yw astudio'r cwrs hwn yn gwarantu lle i astudio meddygaeth ym Mhrifysgol Caerdydd.** Ewch i <http://www.cardiff.ac.uk/cy/study/international/english-and-foundation-programmes/international-foundation-programme> i gael ragor o wybodaeth.

Bydd disgwyl i ymgeiswyr gwblhau'r ffurflen gais ar gyfer yr IFP (<http://www.cardiff.ac.uk/cy/study/international/english-and-foundation-programmes/international-foundation-programme>) ac wedyn bydd disgwyl iddynt gymryd rhan mewn cyfweiliad byr dros Skype (os yw'n bosibl) gydag aelodau o'r Grŵp Derbyn Myfyrwyr er mwyn asesu sgiliau cyfathrebu. Bydd y cyfweiliad yn canolbwyntio ar ddealltwriaeth yr ymgeisydd o ofynion meddygaeth, yr hyn sy'n gwneud meddyg da, ethos gofalgarg, gwaith tîm, ymdeimlad o gyfrifoldeb yn ogystal â thrafodaeth am ddiddordebau y tu hwnt i astudio. Bydd y rhai hynny a nodwyd sydd â'r potensial i astudio meddygaeth yn derbyn cynnig drwy dîm y Rhaglen IFP. Unwaith y bydd myfyrwyr wedi cofrestru ar y Rhaglen IFP, bydd angen iddynt wneud cais drwy UCAS i astudio Meddygaeth ym Mhrifysgol Caerdydd o fis Medi 2020.

Ymgeiswyr ailsefyll

Fel arfer, ni fydd ymgeiswyr sydd wedi methu â chyrraedd y cynnig Safon Uwch o AAA (neu gymhwyster cyfatebol) y tro cyntaf yn cael eu hystyried. Byddwn yn ystyried ceisiadau lle mae modiwlau wedi'u hail-sefyll naill ai mewn cymwysterau lefel UG neu Safon Uwch ar y ddealltwriaeth eu bod yn cael eu cwblhau yn ystod y cyfnod Safon Uwch dwy flynedd safonol. Dim ond mewn amgylchiadau eithriadol y bydd arholiadau ail-sefyll yn cael eu hystyried ar gyfer ymgeiswyr sydd wedi cwblhau eu Safon Uwch ac wedi derbyn eu graddau. Dylai'r rhai hynny a wnaeth dangyflawni oherwydd amgylchiadau esgusodol, ac sydd eisoes wedi gwneud cais i astudio meddygaeth ym Mhrifysgol Caerdydd gyflwyno tystiolaeth ategol o'u hamgylchiadau a thystiolaeth nad oedd Bwrdd Arholi perthnasol wedi'i hysbysu. Os yw'r Bwrdd Arholi perthnasol wedi'i hysbysu, ni roddir ystyriaeth bellach.

Ni fydd ceisiadau lle gwneir Cymwysterau Lefel 3 ychwanegol (e.e. Y Fagloriaeth Ryngwladol, Bagloriaeth Cymru) yn dilyn Safon Uwch, yn lle graddau Safon Uwch nad ydynt yn cael eu cyflawni y tro cyntaf yn cael eu hystyried, oni bai bod amgylchiadau esgusodol a bod cytundeb ar waith gyda'r Grŵp Derbyn Myfyrwyr.

Gohirio Mynediad

Mae'n rhaid i ymgeiswyr sy'n dymuno i'r Brifysgol ohirio eu mynediad ddangos hyn ar eu ffurflen UCAS drwy nodi'r flwyddyn dderbyn. Dim ond am 12 mis y gall myfyrwyr ohirio eu mynediad. Mae'n rhaid i ymgeiswyr sy'n dymuno gohirio unwaith eu bod wedi derbyn cynnig yn gadarn gan yr Ysgol Meddygaeth gysylltu â'r Tîm Derbyn Myfyrwyr, a byddant yn cael eu hystyried gan y Grŵp Derbyn Myfyrwyr.

Y broses ddethol

Mae'n rhaid gwneud ceisiadau drwy UCAS a gellir cael manylion yma: t <https://www.ucas.com/>. Gellir eu gwneud drwy gyfrwng y Gymraeg neu'r Saesneg – gall myfyrwyr ddewis pa iaith y maen nhw'n dymuno cael gohebiaeth ynddi. **Y dyddiad cau ar gyfer gwneud ceisiadau mynediad 2019/20 yw 15 Hydref 2018. Ni fyddwn yn ystyried ceisiadau sy'n cyrraedd ar ôl y dyddiad cau.**

Academaidd

Bydd ymgeiswyr sy'n cwrdd â'r trothwy academaidd isaf neu sy'n rhagori arno wedyn yn cael eu rhestru, a phennir torbwynt er mwyn symud ymlaen i ystyried y meini prawf anacademaidd. Ni fydd ymgeiswyr sy'n methu â nodi'r cymwysterau a enillwyd ganddynt yn adran 4a y ffurflen UCAS yn cael eu hystyried.

Gofynion Anacademaidd

Bydd ymgeiswyr sydd wedi cwrdd â'r torbwynt academaidd ar gyfer y flwyddyn neu sydd wedi rhagori arno yn cael eu hasesu yn ôl meini prawf anacademaidd yn unol â'r wybodaeth yn eu datganiad personol ac adroddiad y canolwr. Caiff ceisiadau eu hadolygu gan ddewiswyr hyfforddedig. Disgwylir i'r holl ymgeiswyr werthfawrogi hyd y rhaglen hyfforddiant a'r strwythur gyrfa, a sut mae hyn yn ymwneud â'u sefyllfa a'u hamgylchiadau eu hunain. Rydym yn cydnabod y bydd cyfleoedd ar gyfer rhai mathau o brofiad gwaith a chymryd rhan mewn rhai gweithgareddau anacademaidd yn amrywio yn ôl cefndir yr ymgeisydd, gan gynnwys amgylchiadau cymdeithasol-economaidd, diwylliannol a daearyddol yr ymgeisydd, ac mae'r Brifysgol yn ystyried y rhain wrth asesu datganiadau personol. Rhoddir credyd am fyfyrddod yr ymgeisydd ar y profiadau y mae wedi'u cael.

Gwybodaeth ychwanegol ar y ffurflen UCAS

Mae'n rhaid i wybodaeth ychwanegol y mae'r ymgeisydd neu'r canolwr yn ei rhoi, yn enwedig mewn perthynas ag amgylchiadau esgusodol, gael ei chyflwyno cyn gwneud cais neu wrth ei wneud. Er mwyn i ni ystyried amgylchiadau esgusodol, mae'n rhaid i ni gael 'Ffurflen Amgylchiadau Esgusodol' wedi'i chwblhau gyda thystiolaeth ategol (llythyr gan weithiwr meddygol proffesiynol os yw'n ymwneud ag iechyd, neu lythyr gan gyfadran yn yr ysgol bresennol) cyn diwedd mis Medi 2018. Gellid dod o hyd i'r ffurflen hon yma:

<http://www.caerdydd.ac.uk/cy/study/undergraduate/applying/admissions-criteria/medicine/medicine> neu gellir gwneud cais amdano drwy anfon ebost at

medadmissions@caerdydd.ac.uk . **Noder na fydd amgylchiadau esgusodol sydd eisoes wedi'u hanfon at y Bwrdd Arholi perthnasol yn cael eu hystyried** oherwydd y bydd y Bwrdd wedi safoni yn unol â hynny. Bydd angen tystiolaeth o'r ysgol neu'r Bwrdd Arholi i ddangos nad oedd hyn wedi digwydd.

UKCAT/GAMSAT

Nid oes gennym isafswm sgôr trothwy UKCAT na GAMSAT, ond gellir defnyddio hyn fel rhan o'n hasesiad o ymgeiswyr.

Cyfweliadau

Caiff ymgeiswyr sy'n cyrraedd y rhestr fer gynnig cyfweiliad (fel arfer ym mis Rhagfyr/Ionawr ar ôl dyddiad cau UCAS ym mis Hydref). Anfonir gwahoddiadau drwy ebost gyda dolen at ein system archebu ar-lein yn ystod mis Tachwedd o'r cylch ymgeisio.

Cynhelir y cyfweiliad ar ffurf Cyfres o Gyfweiliadau Bychain (MMIs. Bydd naw gorsaf, yn edrych ar rinweddau a nodweddion personol sy'n bwysig i ddatblygu meddyg da.

Mae'n rhaid datgan unrhyw amgylchiadau esgusodol a allai gael effaith ar berfformiad yr ymgeisydd yn ystod y cyfweiliad wrth drefnu amser y cyfweiliad er mwyn ein galluogi i wneud addasiadau rhesymol. Os yw'r ymgeisydd yn sâl cyn y cyfweiliad, yna mae'n rhaid iddo gysylltu â'r Tîm Derbyn Myfyrwyr i geisio dyddiad arall i'r cyfweiliad – er ni ellir gwarantu hyn. Os oes gan yr ymgeisydd bryderon am gyfweiliad, mae'n rhaid iddo dynnu sylw'r Tîm Derbyn Myfyrwyr at hyn ar ddiwrnod y cyfweiliad. Ni fydd addasiadau ôl-weithredol yn cael eu gwneud.

Nid ydym yn gwneud cynigion heb gyfweiliad. Bydd methu â dod i gyfweiliad a drefnwyd heb resymau eithriadol yn arwain at wrthod y cais. Rhoddir gwybod i ymgeiswyr nad ydynt yn cael cynnig cyfweiliad. Rhoddir adborth ar ôl y cyfweiliad yn awtomatig i bob ymgeisydd sy'n dod i gyfweiliad.

Bydd **ymgeiswyr llwyddiannus** yn cael gwybod drwy UCAS. I sicrhau cyfle cyfartal, ni fydd unrhyw gynigion yn cael eu gwneud nes bod yr holl gyfweiliadau wedi'u cwblhau. Y Grŵp Derbyn Myfyrwyr bydd yn gwneud y penderfyniad i wneud pob cynnig. Mae'r Tîm Derbyn Myfyrwyr yn ymdrechu i wneud cynigion cyn gynted ag y bo modd yn ymarferol ar ôl y cylch cyfweld. **Anogir ymgeiswyr aflwyddiannus** i ailymgeisio – cyn belled â'u bod yn bodloni'r meini prawf mynediad gofynnol ar gyfer y flwyddyn y maen nhw'n dymuno gwneud cais amdani.

Arfer annheg

Nid ystyrir ymgeisydd sy'n rhoi gwybodaeth anwir neu gamarweiniol ymhellach yn ystod y broses ymgeisio. Bydd UCAS hefyd yn cael eu hysbysu. Mae holl Ddatganiadau Personol UCAS yn destun proses canfod llên-ladrad. Bydd ceisiadau a amheuir eu bod yn cynnwys gwybodaeth ffug, anghywir, camarweiniol neu wedi'i llên-ladrata, yn cael eu hymchwilio yn unol â Pholisi Derbyn Myfyrwyr y Brifysgol. Caiff cynnig o gyfweiliad neu gynnig o le i astudio yn dilyn hynny ei dynnu yn ôl os bydd gwybodaeth ffug neu gamarweiniol neu dystiolaeth o arfer annheg yn cael eu darganfod ar ôl hynny. Cyfrifoldeb yr ymgeisydd yw sicrhau ein bod yn cael gwybod am unrhyw newidiadau perthnasol i'w amgylchiadau personol.

Amodau mynediad eraill

Mae'r rhain yn cynnwys gwiriad gan y Gwasanaeth Datgelu a Gwahardd (DBS) a gwiriad iechyd a drefnir gyda Gwasanaeth Iechyd Galwedigaethol y Brifysgol.

Cadarnhau lle

Bydd ymgeiswyr sydd wedi bodloni amodau eu cynnig yn cael eu hysbysu drwy UCAS. Bydd y rhai hynny sydd wedi methu â bodloni telerau eu cynnig yn cael eu cyfeirio at y Grŵp Derbyn Myfyrwyr i'w hadolygu. Bydd yr ymgeisydd yn cael gwybod am y penderfyniad drwy UCAS. Mae penderfyniad y Grŵp Derbyn Myfyrwyr yn derfynol.

Trosglwyddo

Nid yw Ysgol Meddygaeth Prifysgol Caerdydd fel arfer yn ystyried ceisiadau am drosglwyddo gan fyfyrwyr sy'n astudio meddygaeth mewn rhywle arall, oni bai bod amgylchiadau esgusodol.

Cyfathrebu â Thîm Derbyn Myfyrwyr yr Ysgol Meddygaeth

Mae'n rhaid cyfathrebu â'r Tîm Derbyn Myfyrwyr am faterion sy'n ymwneud ag amgylchiadau personol yr ymgeisydd, a allai fod yn berthnasol i'r broses ddethol o bosibl, yn ysgrifenedig trwy lythyr neu ebost. Oherwydd y Ddeddf Diogelu Data, dim ond yn uniongyrchol y gall y Brifysgol gyfathrebu â'r ymgeisydd o ran pob agwedd ar ei gais, oni bai bod yr ymgeisydd wedi awdurdodi trydydd parti i weithredu ar ei rhan.

Cwynion ac Apeliadau

Rydym wedi ymrwymo i gyflawni proses dderbyn effeithiol, teg ac o ansawdd uchel.

I gael gwybodaeth am y weithdrefn gwyno ac apelio ewch i: <http://www.cardiff.ac.uk/cy/public-information/students-applicants/admissions-policies/complaints-and-appeals>

Ymddygiad ymgeiswyr

Mae ymddygiad proffesiynol yn rhan bwysig o astudio meddygaeth a bod yn feddyg. Os oes ymddygiad yn ystod y broses dderbyn a allai gael ei ystyried yn amhroffesiynol, bydd hyn yn peryglu'r cais a gall arwain at wrthod y cais. Gall unrhyw ymddygiad sy'n mynd yn groes i Bolisi Cydraddoldeb ac Amrywiaeth a/neu Polisi Urddas yn y Gwaith ac wrth Astudio Prifysgol Caerdydd arwain at dynnu cynnig/derbyn yn ôl. Gellir cael manylion am y polisi yma: <https://www.caerdydd.ac.uk/public-information/equality-and-diversity> and https://intranet.caerdydd.ac.uk/_data/assets/pdf_file/0006/966669/2013-May-Draft-Amended-Dignity-Policy-V4_1-1.pdf

Ymholiadau pellach

Am ymholiadau eraill sy'n ymwneud â derbyn myfyrwyr i raglenni gradd meddygaeth israddedig Ysgol Meddygaeth Prifysgol Caerdydd, cysylltwch â:

Tîm Derbyn Myfyrwyr yr Ysgol Meddygaeth

2il Lawr, Neuadd Meirionnydd

Campws y Mynydd Bychan

Prifysgol Caerdydd

Caerdydd

CF14 4YS

Ffôn: (029) 2068 8113/8073

Ebost: medadmissions@caerdydd.ac.uk

ATODIAD

Mae'n rhaid i bob ymgeisydd ddarparu tystiolaeth o allu academaidd blaenorol mewn arholiadau sydd wedi'u dilysu'n gyhoeddus, e.e. TGAU, IGCSE neu gymwysterau cyfatebol. I ymgeiswyr sydd â chymwysterau o'r DU, dim ond y rhai hynny a ddiffinnir yn y Gronfa Genedlaethol o Gymwysterau Achrededig sy'n dderbyniol <http://www.accreditedqualifications.org.uk/office-of-qualifications-and-examinations-regulation-ofqual.html>

Rhaglenni A100 ac A104: Gofynion TGAU

Pynciau TGAU	Isafswm gofynion
Saesneg Iaith / Cymraeg Iaith Gyntaf	6 neu B mewn Saesneg Iaith (gellir defnyddio Cymraeg Iaith os yw'r radd yn uwch pan fydd o fantais i'r ymgeisydd).
O leiaf un: Mathemateg neu Rifedd	6 neu B
Gwyddoniaeth	Naill ai 66 neu BB mewn Gwyddoniaeth a Gwyddoniaeth Ychwanegol neu gymhwyster cyfwerth Neu 66 neu BB mewn Cemeg a Bioleg Neu 66 neu BB mewn Gwyddoniaeth Greiddiol, a naill ai Gwyddoniaeth Ychwanegol neu Wyddoniaeth Ychwanegol Bellach
Pynciau eraill	Mae'n rhaid i ymgeiswyr gynnig cyfanswm o naw pwnc, gan gynnwys yr isafswm gofynion uchod. Derbynnir TGAU Bioleg Ddynol, ond nid ar y cyd â TGAU Bioleg Safonol. Bydd tystysgrifau Lefel 2 megis y Dystysgrif mewn Cymwysiadau Digidol (CiDA), Busnes Cymhwysol, TGCh (bwrdd arholi) a'r Diploma mewn Cymwysiadau Digidol (DiDA), yn cael eu hystyried fel rhai sy'n cyfrannu un pwnc ychwanegol ar wahân, yn lle TGAU yn ystod y cyfnod sgorio academaidd.
NA fydd yn cael eu hystyried	BTEC Lefel 2 NVQ

Gwybodaeth ychwanegol am Fathemateg ar lefel TGAU

Mae gofyn i ymgeiswyr sy'n sefyll arholiadau o dan fwrdd arholi o Loegr fod â Mathemateg i radd 6 o leiaf. Mae gofyn i ymgeiswyr sy'n sefyll o dan CBAC fod â naill ai Mathemateg neu Rifedd i radd B o leiaf. Byddwn hefyd yn derbyn **un** pwnc Mathemategol ychwanegol ochr yn ochr â Mathemateg neu Rifedd o Fathemateg Ychwanegol, Mathemateg Bellach neu Ystadegau, os ydyw o fantais i'r ymgeisydd.

Gofynion TAG Safon Uwch (A100)

Y cynnig fydd graddau AAA ar lefel Safon Uwch. Rhaid i fyfyrwyr gynnig tri phwnc Safon Uwch ac mae'n **rhaid** i'r rhain gynnwys Cemeg a Bioleg. Bydd angen i ymgeiswyr sy'n cyflawni cymhwyster Safon Uwch mewn Gwyddoniaeth basio'r elfen hon lle nodir ardystiad ymarferol ar wahân. Gall ymgeiswyr sy'n cynnig Bioleg neu Gemeg yn unig ar Lefel A2, **ac** ail bwnc gwyddonol e.e. Ffiseg neu Fathemateg, gael eu hystyried o hyd ar gyfer cwrs A100, os ydynt yn ennill gradd A ar lefel UG yn y

pwnc (Bioleg neu Gemeg) na chynigir ar Lefel A2. Cynghorir ymgeiswyr o'r fath i gysylltu â'r Tîm Derbyn Myfyrwyr, i gadarnhau derbynoldeb y trefniant hwn cyn gwneud cais.

Gofynion TAG Safon Uwch (A104)

Mae'n rhaid i fyfyrwyr gynnig tri chymhwyster Safon Uwch, a graddau AAA bydd y cynnig. Mae'r cwrs A104 ar gyfer myfyrwyr nad ydynt yn cynnig Bioleg neu Gemeg (neu gyfwerth) i Safon Uwch.

Nid yw ar gyfer ymgeiswyr nad ydynt wedi ennill y graddau angenrheidiol yn y pynciau gofynnol i gael lle yn rhaglen A100. Caiff ymgeiswyr sy'n cynnig naill ai Bioleg neu Gemeg i Safon Uwch, gyda dau bwnc arall i Safon Uwch eu hystyried.

Gwybodaeth ychwanegol ynghylch Safon Uwch

Dim ond un pwnc Mathemategol i Safon Uwch (o Fathemateg, Mathemateg Bellach ac Ystadegau) bydd yn cael eu hystyried.

Ni dderbynnir Astudiaethau Cyffredinol na Meddwl yn Feirniadol. Dylai ymgeiswyr sy'n cynnig pynciau cymhwysol gysylltu â'r Tîm Derbyn Myfyrwyr Meddygaeth am gyngor medadmissions@caerdydd.ac.uk.

Bagloriaeth Cymru

Ystyrir Uwch-Ddiploma Bagloriaeth Cymru gyda gradd A yn gyffredinol yn lle gradd A ar Safon Uwch ar gyfer A100 ac A104. Mae'n rhaid i ymgeiswyr ar gyfer A100 hefyd fodloni'r gofynion pwnc Safon Uwch mewn Bioleg a Chemeg.

Diploma'r Fagloriaeth Ryngwladol

Bydd angen cyfanswm o 36 pwynt i gyd (ac eithrio Gwybodaeth Theori a'r Traethawd Estynedig) ar ymgeiswyr ar gyfer y cwrs A100 pum mlynedd er mwyn cael eu derbyn. Rhaid cael o leiaf 19 pwynt yn y pynciau Lefel Uwch, sy'n cynnwys sgôr o 7, 6, 6 pwynt gan gynnwys dau bwnc gwyddonol. Mae'n rhaid i hyn gynnwys naill ai Bioleg neu Gemeg o leiaf ar Lefel Uwch (os na chynigir y ddau bwnc, yna mae'n rhaid cynnwys Cemeg, Bioleg, Ffiseg, a naill ai Mathemateg neu Ystadegau, ond nid Astudiaethau Mathemategol fel yr ail bwnc), gyda sgôr o 6 pwynt yn cael ei gyflawni naill ai mewn Cemeg neu Fioleg. Rhaid cynnig Cemeg neu Fioleg ar lefel safonol gyda sgôr o 7, os nad ar Lefel Uwch.

Bydd angen cyfanswm o 36 pwynt i gyd (ac eithrio Gwybodaeth Theori a'r Traethawd Estynedig) ar ymgeiswyr ar gyfer y cwrs A104 chwe blynedd er mwyn cael eu derbyn. Rhaid cael o leiaf 19 pwynt yn y pynciau Lefel Uwch, sy'n cynnwys sgôr o 7, 6, 6 pwynt. Nid yw ar gyfer ymgeiswyr nad ydynt wedi ennill y graddau angenrheidiol yn y pynciau sydd eu hangen i gael lle yn rhaglen A100.

Os na chynigir Mathemateg a Saesneg Iaith yn y diploma, dylid eu cynnig fel pynciau TGAU gydag o leiaf gradd B.

Mae'n rhaid i bob ymgeisydd sy'n cynnig y Fagloriaeth Ryngwladol gynnwys manylion am yr arholiadau Lefel 2, TGAU neu Raglen Blynyddoedd Canol (MYP) a enillwyd ganddynt, yn adran 4a ar y ffurflen UCAS er mwyn cael eu hystyried, os ydynt yn gwneud cais cyn eu bod wedi cyflawni cymhwyster terfynol y Fagloriaeth Ryngwladol.

Diploma Bagloriaeth Ewropeaidd

Mae'n rhaid i ymgeiswyr ar gyfer y cwrs A100 pum mlynedd gael marc cyffredinol terfynol o 85% o leiaf. Rhaid cynnwys Cemeg a Bioleg gyda graddau unigol o 8.5 o leiaf ym mlwyddyn 7 yn y Diploma ar gyfer cael eu derbyn i'r rhaglen feddygol pum mlynedd (A100).

Mae'n rhaid i ymgeiswyr ar gyfer y cwrs A104 chwe blynedd gael marc cyffredinol terfynol o 85% o leiaf. Mae'r cwrs hwn ar gyfer y rhai hynny nad ydynt wedi cymryd y modiwlau Bioleg a Chemeg ac felly nad oes ganddynt y dyfnder o ran arbenigedd pwnc sy'n gysylltiedig â'r rhaglen A100.

Os na chynigir Mathemateg a Saesneg Iaith yn y diploma, dylid eu cynnig fel pynciau TGAU gydag o leiaf gradd B. **Mae'n rhaid i bob ymgeisydd sy'n cynnig y Fagloriaeth Ryngwladol gynnwys manylion am yr arholiadau Lefel 2, TGAU neu S6 a enillwyd ganddynt, yn adran 4a ar y ffurflen UCAS er mwyn cael eu hystyried**, os ydynt yn gwneud cais cyn eu bod wedi cyflawni cymhwyster terfynol y Fagloriaeth Ryngwladol.

Diploma Cyn Prifysgol Caergrawnt

Mae'r Diploma Cyn-Prifysgol yn ofynnol gyda thair gradd D3 mewn tri Phrif Bwnc, ac mae'n rhaid i'r rhain gynnwys Cemeg a Bioleg. Fel arall, gall ymgeiswyr gynnig un Prif Bwnc yn ogystal ag AA ar lefel Safon Uwch. Mae'n rhaid i ymgeiswyr ar gyfer A100 gynnwys Cemeg a Bioleg ar lefel Cyn Prifysgol neu A2.

Bagloriaeth AQA

Yn ogystal â llwyddo yn y Fagloriaeth, mae angen graddau AAA mewn tri phwnc Safon Uwch – ac mae'n rhaid i'r rhain gynnwys Cemeg a Bioleg.

Graddedigion

Dylai pob ymgeisydd fod wedi cyflawni gradd B o leiaf ar lefel TGAU mewn Mathemateg, Saesneg (iaith), a Bioleg a Chemeg (neu Wyddoniaeth Greiddiol a Gwyddoniaeth Ychwanegol/Pellach) yn ogystal â: graddau BBB neu ABC ar lefel Safon Uwch a gradd BSc 2:1 neu uwch.

Mae'r perfformiad academaidd unigol sy'n ofynnol i fod yn gymwys i wneud cais ar gyfer y cwrs A101 wedi'i bennu gan y cyrsiau Ffrwd Fwydo unigol. Dylai'r holl raddedigion fod â Bioleg a Chemeg i lefel Safon Uwch. Gall y rhai hynny nad oes ganddynt gymwysterau TAG Safon Uwch mewn Bioleg neu Gemeg gael eu hystyried ar gyfer y cwrs A100. Fodd bynnag, bydd gofyn iddynt ddarparu manylion modiwlau penodol o'u cyrsiau gradd ac yna ystyrir y rhain yn unigol gan y Tîm Derbyn Myfyrwyr. Gallwch gael rhagor o fanylion gan y Tîm Derbyn. BBC yw isafswm gofynion Safon Uwch ar gyfer ymgeiswyr sydd wedi cwblhau PhD.

Bydd gofyn i'r holl ymgeiswyr sydd wedi graddio gymryd arholiad GAMSAT cyn gwneud cais. Gellir ystyried graddedigion nad oes ganddynt gefndir gwyddonol priodol ar gyfer y cwrs A104 chwe blynedd, a bydd angen iddynt sefyll yr UKCAT.

Rhaid i ymgeiswyr fod **wedi cwblhau eu gradd neu mae'n rhaid iddynt fod ym mlwyddyn olaf eu rhaglen gradd bresennol** er mwyn i'w cais gael ei ystyried. Rhaid dyfarnu canlyniadau gradd a'u cyflwyno erbyn 31 Awst o'r flwyddyn y byddant yn cael eu derbyn i'r cwrs.

Rhaglenni Diploma Mynediad

Mae ymgeiswyr sydd â chymwysterau Diploma Mynediad yn gymwys ar gyfer y cwrs A104 yn unig. Rhoddir blaenoriaeth i ymgeiswyr sydd wedi bod allan o addysg amser-llawn am o leiaf pedair blynedd cyn eu cwrs Mynediad. Mae'n rhaid i ymgeiswyr Diploma Mynediad fodloni'r gofynion mynediad gofynnol ac mae'n rhaid iddynt ennill lefel Rhagoriaeth ym mhob uned asesu. Dim ond Rhaglenni Diploma Mynediad a gydnabyddir gan yr Asiantaeth Sicrhau Ansawdd ar gyfer Addysg Uwch a dderbynnir, ac mae'n rhaid i gynnwys gwyddonol y rhaglen fod yn briodol o ran darparu sylfaen addas ar gyfer y cwrs meddygol (A104). Ni dderbynnir yr Uwch-Ddiploma (14–19) mewn Cymdeithas, Iechyd a Datblygiad. Ni fydd cyrsiau mynediad a wneir ar ôl Safon Uwch yn lle methu ag ennill graddau TAG Safon Uwch ar yr ymgais gyntaf, yn cael eu hystyried oni bai bod amgylchiadau

eithriadol. Mewn achosion o'r fath, cynghorir darpar ymgeiswyr i anfon ebost at medadmissions@caerdydd.ac.uk.

Cymwysterau Iwerddon

Gellir cael mynediad at y Rhaglen Ragarweiniol chwe blynedd (104). Mae'n rhaid i ymgeiswyr gynnig chwe phwnc ar Lefel Uwch, a chael chwe gradd H2, gan gynnwys Cemeg a Bioleg. Rhaid pasio Mathemateg a Saesneg (iaith) i Lefel O3 o leiaf.

Cymwysterau'r Alban

Mae angen pum gradd A yng Nghymhwyster Uwch yr Alban, gan gynnwys Cemeg a Bioleg, er mwyn cael eich derbyn ar y cwrs A104 chwe blynedd. Gellir ystyried ymgeiswyr sy'n cynnig dau bwnc ar lefel Diplomâu Uwch gyda graddau AA (gan gynnwys Cemeg neu Fioleg); yn ogystal â Chymwysterau Uwch yr Alban a ddisgrifiwyd uchod, ar gyfer y cwrs (A100) pum mlynedd. Rhaid pasio Mathemateg a Saesneg (iaith) i Lefel Safonol o leiaf gyda Gradd 2 neu Radd B.

Cymwysterau BTEC

Derbynnir Diploma Estynedig BTEC Lefel 3 mewn Gwyddoniaeth Gymhwysol ar lefel DDD fel cymhwyster er mwyn cael eich derbyn i'r cwrs A104 chwe blynedd. Mae'n rhaid i ymgeiswyr sy'n gwneud y cwricwlwm newydd (2016) hefyd gyflawni rhagoriaeth ym mhob uned a asesir yn allanol. Mae angen y Diploma Cenedlaethol Uwch ar lefel Rhagoriaeth ar gyfer mynediad i'r cwrs A100 5 mlynedd. Mae'n rhaid i ymgeiswyr hefyd fodloni'r gofynion mynediad gofynnol a nodir uchod.

Graddedigion deintyddol

Bydd graddedigion deintyddol sy'n gwneud cais i astudio Meddygaeth yn cael eu hystyried ar gyfer y cwrs A101 pedair blynedd yn unig. Mae'n ofynnol bod ymgeiswyr wedi cwblhau hyfforddiant ôl-raddedig pellach gan ennill cymwysterau proffesiynol priodol. Dylai ymgeiswyr gyflwyno CV llawn (*curriculum vitae*) i'r Tîm Derbyn Myfyrwyr ar adeg gwneud eu cais UCAS at medadmissions@caerdydd.ac.uk. Mae'n rhaid bod gan ymgeiswyr sgôr GAMSAT cyfredol, a bydd angen iddynt gymryd rhan yn y broses gyfweld er mwyn cael eu hystyried.

Mae Cymdeithas Llawfeddygon Prydeinig y Geg, y Genau a'r Wyneb (OMFS) yn rhoi gwybodaeth i ymgeiswyr o ran cael hyfforddiant yn y Gymdeithas <https://www.baoms.org.uk/>.